

## OKVIRNI SPORAZUM

Između:

1. **KJKP "Tržnice-pijace" d.o.o. Sarajevo**, ul. Mula Mustafe Bašeskije 4a, Sarajevo, ID: 4200683020005, koga zastupa direktor Jasmin Terović (u daljem tekstu: Ugovorni organ) i
2. **„GRAFIKON“ d.o.o. Sarajevo**, ulica Grbavička br.30, ID: 4200251660003 kojeg zastupa direktor Čemal Prašović (u daljem tekstu: Dobavljač)

### Član 1.

Ovim Okvirnim sporazumom ugovorne strane su se sporazumjele da će Dobavljač, tokom cijelog ugovorenog perioda vršiti sukcesivnu isporuku građevinskog materijala za potrebe Ugovornog organa. Okvirni sporazum se zaključuje na osnovu provedenog konkurentskog zahtjeva za dostavu ponuda objavljenog na Portalu javnih nabavki broj: 281-7-1-150-3-10/19 od 26.07.2019. godine.

Sastavni dio ovog Okvirnog sporazuma je prihvaćena Ponuda Dobavljača broj: 328/19 od 07.08.2019. godine, sačinjena prema specifikaciji iz Tenderske dokumentacije.

### Član 2.

Ugovorne strane su se međusobno sporazumjele da će se ugovorene robe isporučivati na prodajna mjesta/poslovne jedinice Preduzeća u Sarajevu i plaćati prema utvrđenim jediničnim cijenama iz člana 2. ovog Sporazuma utvrđenih nakon provedene e-aukcije.

Ukupna vrijednost Okvirnog sporazuma nakon provedene i završene e-aukcije iznosi 15.252,10KM bez PDV-a (slovima:petnaesthiljadadvijestotinedesetdva 10/100) odnosno 17.844,96 sa PDV-om (slovima:sedamnaesthiljadaosamstotinačetdesetčetiri 96/100).

Jedinične cijene građevinskog materijala utvrđene su u ponudi Dobavljača bez uračunatog poreza na dodanu vrijednost, umanjene za svaku od pozicija za isti procenat koliko iznosi konačno procentualno umanjenje ukupne cijene postignute nakon e-aukcije, i ne mogu se mijenjati u toku trajanja ovog sporazuma, niti se mogu uzimati za razlog neisporuke ugovorenog građevinskog materijala prema ugovorenim uslovima. Porez na dodanu vrijednost će se obračunati u skladu sa Zakonom.

### Član 3.

Okvirni sporazum se zaključuje na period od 1 (jedne) godine, odnosno najkasnije do finansijskog ispunjenja, a stupa na snagu danom obostranog potpisivanja.

Na osnovu ovog Okvirnog sporazuma ugovorene strane će zaključiti pojedinačne ugovore kojima će bliže regulisati prava i obaveze za realizaciju ovog Okvirnog sporazuma, čija finansijska vrijednost odnosno period trajanja maksimalno može biti do iznosa i perioda utvrđenog u stavu 1. ovog člana, a što će ovisiti od potreba i interesa ugovornog organa.

Ugovorni organ se ne obavezuje za nabavku utvrđenih okvirnih količina u cjelosti. Stvarna realizacija zavisi od potreba ugovornog organa ali ne može preći okvirne količine, odnosno može biti jednaka ili manja od predviđene količine.

Kupac zadržava pravo potpune ili djelimične realizacije nabavke roba po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

### Član 4.

Dobavljač se obavezuje da će redovno vršiti isporuku predmetne robe, u skladu sa potrebama i zahtjevu od strane Ugovornog organa. Dobavljač se obavezuje da će naručenu robu obezbjediti u roku od 24 sata po prijemu narudžbe, u suprotnom će nastupiti automatski raskid ugovora.

Član 5.

Osnov za plaćanje isporučenih roba jesu fakture/računi koje Dobavljač ispostavlja Ugovornom organu za uredno isporučenu robu. Na ime isporučenih roba, Ugovorni organ je dužan izvršiti uplatiti na žiro račun Dobavljača broj: 140 1051120005972, kod SBERBANK, i to u roku od 30 dana od datuma ispostavljanja fakture.

Član 6.

Ugovorni organ zadržava pravo da prilikom isporuke robe izvrši kvalitativni i kvantitativni pregled iste, na licu mjesta. Sva roba na kojoj se prilikom isporuke ili prilikom raspakivanja originalnih pakovanja ustanove bilo kakvi nedostaci ili odstupanja od zahtjeva Tendera, na zahtjev Ugovornog organa, bit će od strane Dobavljača zamjenjena u roku od 3 dana.

Član 7.

Svi uslovi iz Tenderske dokumentacije broj: 20-2/19 od 26.07.2019. godine, čine sastavni dio Okvirnog sporazuma. Eventualne nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, nadležan je Sud u Sarajevu.

Član 8.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 9.

Ovaj Okvirni sporazum stupa na snagu danom potpisivanja obje ugovorne strane.

Član 10.

Okvirni sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:

„GRAFIKON“ d.o.o. Sarajevo

Direktor:

Čemal Prašović



UGOVORNI ORGAN:

KJKP "Tržnice pijace" d.o.o. Sarajevo

Direktor:

Jasmin Terović



Broj:20-10/19

Sarajevo,06.09.2019.godine